



UNIVERSITÄTS-
BIBLIOTHEK
PADERBORN

Universitätsbibliothek Paderborn

Alphonsi Madriliensis De Vera Deo Apte Inserviendi methodo Libellvs Avreus

Alfonso <de Madrid>

Coloniae, 1608

De termino cuiusque diei, & de quiete nocturna. Ca. 12

[urn:nbn:de:hbz:466:1-48891](https://nbn-resolving.org/urn:nbn:de:hbz:466:1-48891)

nullæ venationes, reputari debent inter vitiosa, & illorum loco substitui honesta: neque satis facit quorundam excusatio, qui se admodum inclinatos asserunt ad venationes, aut alia huiusmodi: ob id enim legibus altissimi subiicimur, vt nō quod cupimus, sed quod debemus operemur. Ob hanc autem subiectionem plurimū gaudere ac lætari debemus. Est enim gloriosum, tam sublimem habere Dominum, & ipsi seruire: potissimum cū ab illa maiestate tam sublimia expectemus præmia.

Venationes quæ cum damno proximi fiunt omnino tollendæ.

CAPVT XII.

De termino quem singulis diebus imponere debemus, & quod initium notet in qua nobis quiescendum est.

Reliquum in quo vita nostra impendetur, est somnus aliquis: qui non ad vitium assumentus est, sed vt corpus vires recipiat, quibus Deo Domino nostro seruiat. Annotandum ergo est quod, vt melius hoc agamus, accedente nocte

Somnus cur sit assumendus.

*Examen
conscien-
tie vespere
facien-
dum sal-
tem per
quartam
horæ par-
tem.*

*Errata
diei sedu-
lo com-
memo-
randa.*

*Modus
examinā-
da con-
scientie.*

nocte post alia officia aut exercitia, quæ ea hora à quolibet fieri solent, æquissimum est vt ante dormitionis tempus ad quartam horæ partem, aut saltem ad huius dimidium occupemur in exercitio quodam admodum necessario: quo & malis in quæ eo die incidimus, remedium apponatur: & noster somnus in pace sit, siue quietus in Domino, veluti propheta David assumebat, vt dormiētes ac vigilantes semper ei seruiamus: cum illa maiestas utroq; tempore semper prospiciat quid nobis vtile sit, à malis innumeris & à dæmone nos protegens. Est igitur istud quod quarta illa parte horæ facere debemus, vt ad memoriam reducamus culpas, in quas toto eo die incidimus. Antequam considerationem, magnam Deo reuerentiā exhibere debemus in modū eius de qua ad initium diei diximus. Statimque recogitare num in aliquibus deliquimus eorum quæ supra posita sunt ad eius obsequium: ex quolibet in his commisso defectu, etiam si mor-

mortale peccatum non fuerit, assumendo quanto maximam possumus displicentiam: quemadmodum huius mundi obsequiosi famuli de quouis defectu contra dominorum suorum obsequium facere solent, etiamsi mortalis non fuerit, nec gradem penam demereatur. Deinde cogitare debemus num aliquod præceptum transgressi sumus, eodem modo de hoc dolendo: post hæc num verbis aut cogitationibus superbiæ aut impatientiæ excessibus: ad hæc num in aliquo mortali deliquimus, quā maximum dolorem potuerimus, inde concipiendo: etiamsi de quolibet, in quo nos peccasse aduerterimus, breuissimo duret tempore. Quod si dueros nos ad dolendum de peccatis inuenerimus, cōsideremus illa fuisse causam mortis, ac plurimorum dolorum Domini nostri Iesu Christi: cui⁹ pia quoq; mater ob hæc sub cruce cor magno dolore trāsfixū habebat. His sanè cogitationibus cor nostrū emollietur. Quod si q̄s fortasse dixerit sibi non vacare, vt quouis die

*Dolor de
peccatis
commisis
quomodo
sit exci-
tandus.*

ac

*Preca-
tio-
nes ante
somnum
faciendæ.*

*Signo san-
ctæ Crucis
diem esse
clauden-
dum.*

ac nocte ita de peccatis doleat, de-
beret saltem quouis die sabbati, aut
pridie festi diei sub nocte id agere:
quo die dominico aut festo à somno
experrectus, aptior esset ad sanctifi-
candum diem illum, quemadmodum
Dominus præcipit. Hoc peracto, &
recitato symbolo Apostolico, quo
fidem Catholicam cōfitemur, simul
& oratione dominica: ac salutatio-
ne angelica benedictæ Dei matri, cui
nos ipsos semper commendare de-
bemus, & de cuius præminentijs
indies frequentissimè, ad agendum
inde Deo gratias, memores esse de-
beremus, poterimus muniti signo
salutiferæ crucis quiescere, ac dor-
mire, quantum iuxta cuiusque con-
ditionem ac vires iudicauerimus es-
se necessariū. Eius qui talis est som-
nus à Deo benedictus erit, maneque
surgens incipiet, ac prosequetur
magno cum gaudio vniuer-
sa quæ supra scripta
sunt in singulos
dies.

CAPVT